


IV<sup>D</sup> 11

107



# **C** Ly ensuyuēt en bzeſ langaige

Les tenebres de mariaige  
Lesq̄lles furent sans mētir  
Cōpoſees p̄vng Bray martir  
Leq̄l fut dix ans au ſervage.





La premiere leçon  
Hélas



Domodo peult auoir plaiſſe  
Qui ſème a hors de ſon deſir  
Et qui ne l'atrouue a propos  
Plus grant mal ne ſcauroit choiſir  
Je penſe quil na pas loiſir  
De prendre ſouuent ſon repos

Mariage neſt qung ſabat  
On crye/on y tence/on y eat  
On morfond/on y a la toux  
Si vous comptez hault on rabat  
On y a dueil en lieu deſbat  
Ainſi vous en ſoit il a tous

Des grans ſeigneurs nen parlons point  
Car il n'ya rien mal apoint  
Tout ſe gouuerne par compas  
Quant y a quelque dueil qui point  
On ne vient point frapper au point  
On penſe ce qu'on ne dit pas

Les princes/grans ſeigneurs/et dames  
Sont gouuernez de corps et dames  
Ainſi que les autres humains

Si souuent nous auons des blasmes  
Reprentions de noz femmes  
Las pensez quilz nen ont pas moins

¶ Des seigneurs nous fault depporter  
Sans aucun mal en rapporter  
Car a nostre estat napartient  
Mais parlons sans nous depporter  
Du mal quil nous conuient porter  
En mon cueur de ma part en tient  
Jolis mal an/ioly mal an  
En mariage souuent a len  
¶ La seconde lesson

He dieux

Entre nous aultres pources gens  
Qui estions si mignons et gentz  
Deuant quen lordre fussions mis  
Nous sommes pources indigens  
Et nattendons que les sergens  
Qui sont noz mortelz ennemys

¶ Mesnage nous vient assaillir  
Qui nous faict trembler/tressaillir  
Et met nostre plaisir bien loing  
Toutes loyes nous faict faillir  
Et de nostre oeil nose saillir

Le quil fault donner au Besoing

¶ Il fault du pain/du Vin/des noys  
Du lart/des febues/et des poys  
Des oignons/et des choup cabus  
Des fagotz/chandelles/du boys  
Je ne scay qui a faict ces loix  
Quant a moy ie ny Voy que abus

¶ Il fault robes/et chapperons  
Housses/pantouffes/esperons  
Lit/draps/moucheurs/et cueurechiefs  
Paniers/corbailles/corbillons  
Ehausse/souliers/et cotterons  
Et dieu scet quil sont empeschez.

¶ En lieu de nous resconforter  
Desplaisir il nous fault porter  
En nostre bon eur attendant  
Par faulte de nous supporter  
Les oreilles nous fault porter  
En la guise dung chien pendant  
Jolis mal an iolis mal an  
En mariage souuent a len  
¶ La tierce lesson  
Tourment



**E** De la femme a mauuaise teste  
Vous ne Vistes onc tel tempeste  
C'est en fer loing de paradis  
Du moins on Vous nommera bestes  
Et Villains pouilleux dehonnestes  
Sans ce que Vous seres maudictz

**E** De iour il fault que nous taison  
Et se on nous faict tort ou raison  
Dieu scait comme on Va debatant  
Olic flus ne nous sont de saison  
Mais en gardant nostre maison  
Jouer nous fault au mal content

**E** Et si se ialousie si met  
Et on ne tient ce qu'on promet  
Dieu scait comme on est chapitre  
Jehan le groing maistre iehan fumet  
Racompte le mal qu'on commet  
On est eschelle et mettre

**E** On faict le soleil eclipser  
Poures ne sont que ratifser  
Ils ont peine en toute saison  
Le liet fault couvrir tapifser  
Et donner le pot a pissier

Ainsy comme il est de raison

**C** Helas cest Vng petit enfer  
Il ne sen fault que lucifer  
L'hault souffre / poys et plons fondu  
Il fault la chemise chauffer  
En yuer les piedz eschauffer  
Le mary en est morfondu

**C** Joly mal an / ioly mal an  
En mariage souuent a len

**E** La quatriesme lesson

**Q**uant la femme en seinte sera  
Lent foyz le iour on pensera  
Comme on luy fera du cyue  
Elle plaindra elle sacherà  
De rechsigner ne cessera  
Le bon homme est bien arttue

**Q**uant vient a lenfant receuoir  
Il fault la sage femme auoir  
Et des commeres Vng grant tas  
Lune viendra au cas pouruoir  
L'autre ny viendra que pour Deoyz  
Comme on entretient telz estatz

**O**us ne vistes onc tel quaque

La ces drapeaux/ca ce paquet  
La ce baing/ce crespineau/ce saict  
Et Voyla le poure iacquet  
Qui luy seruira de lacquet  
De chamberiere et de Barlet

¶ Hy denfans auez ■ foyson  
Il les fault nourrir cest raison  
Vous y songerez en dormant  
On crye/on brait par la maison  
Il nest priere noraison  
Qui vous sceust ofter ce tourment

¶ Il fault des bonnetz des chapeaux  
Destodes/chemises/drapeaux  
Du ■ crier sont tous esmus  
Popres pommes et gros naueaux  
Quant vous engendrez telz oyseaux  
Allez chanter gaudeamus

Isoly mal an/isoly mal an  
En mariage souuent ■ len  
¶ La cinquiesme lesson  
Louroap

¶ Quant la bourgeoise sy a geu  
Le bon homme est en grant argu  
Car il fault la garde payer

**C** Le mesnage sera Vendu  
Et puis le poutre morfondu  
Courra par tout comme Vng panier

aussi tost quil sen Va couchet  
Sa femme luy Viendra preschet  
En faisant semblant de gemir  
Il Vous fault de l'argent cercher  
Pour parpayer nostre espicier  
Il na'garde de sendormir

**E** Puis le bon homme est en danger  
De l're cite du bousenger  
Et puis du tauerrier aussi  
Saiges femmes pour abreger  
Le mary ne faict que songer  
Tant est herite de soupy

**S**i fault que le mary soit clehe  
Sy faudra il auoir Vne cliche  
Et Vng bon port lenfant ber ser  
Et si de nuit sa mere entince  
Dauere coste son mary pince  
■ son licet ■ peult eschauffer

**S**y fault quel ayt mal aux mamelles

Il eusera bien deux semelles  
De courir fera ses effors  
Pour luy chercher des attuelles  
Medecins et herbes nouuelles  
Pour garder lenfant d'aller hors  
Jolis mal an/ioly mal an  
En mariage souvent a len  
C La sixiesime lecon.  
Dolent

C Si Vous auez femme de bien  
Pensez quil Vous greuera bien  
De luy faire aucun desplaisir  
Vostre Vouloir si sera sien  
Et si n'aurez soulcuy de rien  
Que d'accomplir son bon desir

C Sy fault quelle Vous face greuance  
Et Vous Voulez en despescher  
A iamais Vous en despescher  
Elle assemblera sans doubtrance  
Des amys a grant habondance  
En quoy Vous Viendront ilz tencer

C Sa mere Vous vient conuertir  
Et Vostre Vouloir diuertir  
Vous en serez tout rassoier



Et si delle Vous fault partir  
Doyez serye beucoup plus martir  
Qu' saint laurens qui fut roty

Et puis sa parente viendra  
Prestet lozeille conuiendra  
Helas la Voules Vous laisser  
Puis ceste fortune viendra  
Que de s'irer la conuiendra  
Ne reste que se confesser

Quant delle serez absente  
Vous penserez sa sante  
Et celle a dequoy menger  
Las il nest pas tant tourmenter  
Ny en douleur tant augmente  
Qu'il est de luy se gouuerner

Ioly mal an / ioly mal an  
En mariage souent a len.

La septiesme lesson.

Rigueur

Après tous ces motz tant peruers  
Deez en cy le plus diuers  
De tous les aultres sans faillir  
Car apres quil les souffers  
Et que vers luy se sont offerts

Pourete le Vient assaillir

¶ Unq soir que le temps est resent  
Le pource homme a grant talent  
Auec sa femme s'esjouy  
Elle dira par mal talent  
Qu'il est bien entre en mal an  
A peine en pourra il iouy

¶ Au bout de deux ou de trois moys  
El se plaindra cent mille foys  
Dit quelle doubte de n'charger  
Le bon homme ainsi que ie croy  
Il a du soucy plus que croy  
Tant a de paour de ce danger

¶ Puis en brief temps il aduiendra  
Que bailler l'enfant conuiendra  
A nourrice sans plus de plait  
De lalaicter elle se faindra  
Et incessamment se plaindra  
Qu'il ne tette que mauuais let

¶ Mariage trouue si cher  
Qu'il ne scait de quel pied clocher  
Et n'est pas nou rry a demy

Encor luy conuient il marcher  
Pour leur nourriture cercher  
Pas ne fault quil soit endormy  
Joly mal an / joly mal an  
En mariage souuent a len  
La huitiesme lecon  
Ennuuy

Au bout de tous ces grefz tourmens  
Il faudra des habillemens  
A luy et a la femme aussi  
Pareillement a ses enfans  
Car il doit quilz deuiennent grans  
Dy penser il en est transy

Il sen ira chez Vng drapier  
Et sera marchant de papier  
Car dargent il nest pas saisy  
Il ne luy fault point de courtier  
Car fusse philipot ou gaultier  
Il sobliuera par n:is.

Puis quant le temps se est passe  
Il est a demy tre passe  
A payer na pas mis le guet  
Après quil a bien tracasse  
Et beaucoup de temps amasse

Il fault quil aille Deoir doguet

¶ Pour Vous le tailler Bries et court

Il prent les termes de la court

¶ Hostel ¶ faict mencion

En plusieurs lieux court et racourt

Et ne trouue qui le secourt

Il fault quil face cession

Joly mal an/ joly mal an

En mariage souuent a len

¶ La derniere lesson.

Deschies

¶ Apres pour le parabillet

Tous ses biens on Viendra piller

Par sergens qui sont sans raison

Il na garde de sommeiller

Son hoste le vient resueiller

Pour le terme de sa maison

¶ Quant la bourgoyse si Verra

Que son mary plus ne pourra

Dubuenir/ car tout est poly

Resconfort ne luy donnera

Mais a la parfin se fera

Bien fringuer a dautres qua luy

**C**ha femme Verra transporter  
En plusieurs lieux courir trotter  
A gentilly/a Baugirard  
Enteries oira racompter  
Du sermon ne scauroit compter  
Car elle Vient bien dung aultre part

Elle recouure habitz nouueaulx  
Chapperons/nicques/et ioyaulx  
Qu'il ne luy a pas ordonnez  
Dernissains/bources/et cousteaulx  
Quel prouuera par macquereaulx  
Que ses amys luy ont donnez

**C** Sans racompter Bourdes ne fables  
Je prouueray par gens notables  
Qui se sont en cest ordre mis  
Les tenebres bien Veritables  
On y a des maulx execrables  
Plus que de biens ny sont permis

### **C** Rondeau

**C** Tous les tourmens qui sont en mariaige  
Je ne scauroys resumer en langage  
Car on y trouue de grefz maulx bien diuers  
Mais i recite par lessons et par Vers



Une partie de mon grefet oultraiſſe

Tous ceulx qui ſont ſubmis en ce ſervage  
Ne diſent pas leſtat de leur meſnage  
Car a moy ſeul ilz ne ſont deſcouuers  
Tous les tourmens

Explicit





